

Staðfesting forsetans á skipulagsskrá fyrir „Minningarsjóð Konrad Maurers“, 177
 útgefin á venjulegan hátt að mandatum af dómsmálaráðherra 28. sept. 1951. 28. sept.
 Skipulagsskráin er þannig:

SKIPULAGSSKRÁ

fyrir Minningarsjóð Konrad Maurers.

1. gr.

Sjóðurinn ber nafn Konrad von Maurers, prófessors í réttarsögu við háskólann í München, og heitir Minningarsjóður Konrad Maurers.

2. gr.

Sjóðurinn er stofnaður af íslenskum stúdentum, sem nám hafa stundað í Þýzka-landi og taldir eru upp í meðfylgjandi skrá.

3. gr.

Stofnfé sjóðsins er kr. 7750.00 — sjö þúsund sjö hundruð og fimmtíu krónur —. Sjóðinn má auka með gjöfum, samskotum og áheitum. Höfuðstól sjóðsins má aldrei skerða, og skal hann geymdur og ávaxtaður í A-deild Söfnunarsjóðs Íslands eða í annarri ríkistrygðri innlánsfjárfestun.

4. gr.

Tilgangur sjóðsins er að styrkja þýzkan stúdent, sem nám stundar við Háskóla Íslands, og dvelur í svonefndu Goethe-herbergi nýja stúdentagarðsins. Stúdent sá, er styrksins nýtur, skal að hverju sinni valinn af nefnd við Christian-Albrechts-Universität í Kiel. Rektor háskólans í Kiel er formaður nefndarinnar, en aðrir nefndarmenn eru:

prófessar í norrænni málfræði,
 prófessor í náttúruvísindum við heimspekideildina,
 fulltrúi frá Institut für Weltwirtschaft,
 og einn fulltrúi frá hvorum aðila hjálparstofnun stúdenta (Studentenwerk) og Stúdentafélgainu (Studentenschaft), allir frá Kielar-háskóla.

Árlegur styrkur til þessa stúdents má þó í mesta lagi nema upphæð, sem er nægjanleg til greiðslu á leigu eftir Goethe-herbergið í 9 mánuði og á fæði fyrir stúdentinn í Mötuneyti stúdenta sama tíma, eins og þessi upphæð verður á hverjum tíma, sbr. þó 5. gr.

Ef upphæð þeirri, sem heimilt er að veita samkvæmt 1. málsg. þessarar greinar, er ekki úthlutað í eitt ár eða fleiri, leggst hún óskert við höfuðstól sjóðsins.

Ef styrkur þessi hefur ekki verið veittur eitt eða tvö ár, áður en þýzkur stúdent býr í fyrsta skipti í Goethe-herberginu, er þó heimilt að verja honum (styrk frá einu eða tveim árum) til kaupa á húsgögnum í herbergið, enda hafi stúdentagarðurinn eða aðrir ekki lagt til húsgögn í það.

5. gr.

Úr sjóðnum má ár hvert veita allt að $\frac{3}{4}$ — þrem fjórðu hlutum af árlegum vaxtatekjum hans, unz höfuðstóll hans er orðinn 20000.00 — tuttugu þúsund krónur. Má þá veita í styrk ár hvert allt að $\frac{1}{10}$ — níu tíundu hlutum af árlegum vaxtatekjum hans.

177 28. sept. Nú nemur upphæð sú, sem veita má úr sjóðnum samkv. 1. málsg. þessarar greinar, meiru en því, sem heimilt er mest að veita samkv. næstu grein hér á undan, og getur þá nefnd sú við Kielar-háskóla, sem getið er um í gr. 4, veitt mismuninn til styrktar rannsóknum á íslenskum málefnum, sérstaklega þó í germanskri réttar-sögu.

Nú er slíkur afgangur ekki veittur í styrk í eitt ár eða fleiri, og má þá veita samanlagðan mismun frá tveim eða fleiri árum síðar í slíku augnamiði.

6. gr.

Formaður stjórnar Stúdentagarðsins og stjórn félagsins „Germania“ í Reykjavík hafa sameiginlega umsjón með sjóðnum.

7. gr.

Sjóðurinn skal vera undir opinberu eftirliti og reikningar hans birtir með reikningum fyrir sjóði Háskóla Íslands.

8. gr.

Leita skal staðfestingar á skipulagsskrá þessari.

178
9. okt.

REGLUGERÐ

fyrir Vatnsveitu Húsavíkur.

1. gr.

Vatnsveita Húsavíkur er fyrirtæki, sem Húsavíkurkaupstaður er eigandi að og rekur í þeim tilgangi að fullnægja vatnsþörf heimila og fyrirtækja í Húsavíkurkaupstað eftir því sem við verður komið og nánar er fram tekið í reglugerð þessari.

Vatnsveitan skal rekin sem sjálfstætt fyrirtæki með nafninu Vatnsveita Húsavíkur.

2. gr.

Vatnsveita Húsavíkur hefur einkarétt til sölu vatns í Húsavíkurkaupstað.

3. gr.

Bæjarstjórn Húsavíkur hefur æðsta vald í málefnum vatnsveitunnar. Öll framkvæmdastörf er vatnsveituna varða, felur bæjarstjórnin vatnsveitunefnd, sem skipuð er þremur aðalmönnum og þremur til vara kosnum af bæjarstjórn til eins árs í senn. Heimilt er vatnsveitunefnd í samráði við bæjarstjórn að ráða sérstakan umsjónarmann fyrir vatnsveituna, er hafi eftirlit með veitukerfinu og annist önnur þau störf í þágu vatnsveitunnar, sem henta þykir.

4. gr.

Frá vatnsæðum vatnsveitunnar má enginn leggja vatnsæðar, nema með leyfi vatnsveitunefndar og bæjarstjórnar. Enginn má heldur leggja vatnsæðar, nema undir umsjón manns, sem vatnsveitunefnd og bæjarstjórn hafa kjörið til slíkrar umsjónar.

Hverjum húseiganda ber að greiða allan kostnað við lagningu vatnsæða úr götulögnum í hús sín og annast viðhald þeirra. Gildir viðhaldsákvæðið jafnt um gamlar lagnir sem nýjar. Eigendur þeirra húsa, sem nú þegar eru komin í samband við vatnsveituna, skulu kosta viðhald heimæða, allt að 30 metrum frá húsi. Skyld er hverjum húseiganda að láta tafarlaust gera við vatnsæðar sínar, ef leki kemur